

戊丙

之不待署經而徑自辭避也其弊將至於言事故敢啓但金紀洪石堅
前為持平亦於署經前辭避而其時臣等未及致察前日若即論啓則
此人必不為例而今又辭避也臣等不察事敢辭傳曰昨日予疑前此
亦或有如此辭避者故令政院考之非以其時臺諫不啓為非也其勿
辭○臺諫啓前事宋平姜顯如啓餘不久○夜南方有氣如火○以權
輒為司憲府持平

七月壬午朔憲府啓曰北道兵使黃琛去二月十五日授本職五月初
十日謝恩今日拜辭起程其淹留之日已過五十餘日必以邊地之事
略不置意矣緩慢已甚請速罷琛擇差他可堪者刻日促赴兵曹亦慢
不糾舉使之淹留故府方緘問耳傳曰黃琛宜罷職而兵曹之不糾舉
亦非矣但監司兵使等赴任如無期限則雖通黃琛得其人甚難而其
新除者二三日間豈能飭裝起程乎有期限而淹留不往則罷之宜矣
監司兵使期限其令該曹考啓再啓曰國家以北方為重故黃琛以江
界府使擢為節度使為琛計者所當不計畫夜汲汲馳赴而不顧國家
優重之意淹留至此大抵近來朝綱弛法令不行為邊將者不計受
寄之重只謀一身之私或云掃墳或托親親遷延歲月不即赴任邊圉